

854-32-93


VFP



GJERGJ VLASHI

# PESË DRITARE

TREGIME



854-32-93.

5

V 29

**GJERGJ VLASHI**

~~424168~~  
3329

# PESË DRITARE

- TREGIME -

Biblioteka

SHTËPIA BOTONJSE «NAIM FRASHERI»

ALASNI LERELA

DIRATI DHEZE

LERELA

Tirazhi 4000 kopje Format 70 x 100 /32 Stash 2204-65  
Shtyp N.I.Sh. Shtypshkronjave «Mihal Duri» — Tirane, 1987

## PESË DRITARE

Mikut tim P.P.

Lexova edhe faqen e fundit të romanit dhe pastaj e mbylla librin. Qëndrova ca duke menduar me bërryla të mbështetur mbi tryezë. Pasi lexoj një libër të bukur, zakonisht ndjej njëfarë brenge të ngjashme si në çastet kur ndahemi me ndonjë njeri të dashur. Nxorra një cigare nga paketa dhe pashë orën: njëmbëdhjetë e ca. Gjumë nuk kisha. Teksa po matesha të ndes cigaretën, vura re se dhoma ishte mbushur me tym duhani, që ishte nderë gjithandej si një mjegull e kaltër e tejdukshme.

U ngrita dhe hapa dritaren. Era e freskët e asaj nate të butë vjeshte ma filladiti fytyrën. Mora frysme thellë dhe hodha sytë përreth. Rruga ishte e qetë dhe e përgjumur. Vetëm një mace rrëshqiste e heshtur rrëzë mureve të shtëpisë që duke-shin si përbindsha guri. Larg, dëgjohej në të rrallë zhurma e ndonjë automobili, sirena e çjerrur e lokomotivës dhe akoma më larg zhaurima e elektrovinçave të portit. Pastaj vështrimin e ndala në

pallatin e madh katérkatësh përballë shtëpisë si-me. Ai është një pallat i lartë, i gjatë; nuk ka çati po një teracë të madhe. Në teracë banorët e katit të fundit varin rrrobat e lara në telat e vëna për këtë punë. Ky pallat ka shumë dritare, por pesë ishin të ndriçuara. Në katin e parë banon Sotiri, një aktor teatri me të cilin kam qenë shok shkolle. Edhe drita e dhomës së tij ish e ndezur. Duke vështruar me kujdes, vura re në ballkonin para dhomës së tij zjarrin e një cigareje që ndizej dhe shuhev herë pas here si një xixëllonjë e kuqe.

— Mirëmbrëma, Sotir. — I fola unë papandehur.

— **Mirëmbrëma.**

— Paske dalë të **marrësh fresk?**

— **S'kam gjumë.**

Heshtëm. Pastaj mua m'u kujtua **diçka**:

— **Si e ke gruan?**

— Mirë më thonë. Pres që të lindë.

— **C'thotë mjeku?**

— **Fjalë të mira.**

— Po vi të rri pak. Edhe unë, nuk kam gjumë.

Mbylla dritaren dhe dola nga dhoma.

Duke ecur, pashë në rrugë autoambulancën që kish qëndruar para njerës nga tri hyrjet e pallatit të madh. Në katin e tretë, në krah të djathtë, ish dritarja me drithë e doktor Pëllumbit, kirurgut të spitalit. Siç ndodh shpesh — rastis edhe çdo natë — ata kishin ardhur ta marrin e ta çojnë në spital për ndonjë **konsultë ose operacion urgjent**.

Teksa unë rrija në rrugë, nga hyrja e madhe, shquajta mjekun që ecte pak i kërrusur përpara.

- Mirëmbërëma, doktor.  
 Ai qëndroi një hap. Nuk më njuhu. Pastaj:  
 — Mirëmbërëma. — m'u përgjegj duke ju  
 afrouar autoambulancës.  
 — Po shkoni në spital?  
 — Më thirrën për një operacion.  
 — Ndonjë rast urgjent?  
 — Ashtu duket. Më thanë se është një pa-  
 cient me apendicit akut.  
 — Natën e mirë dhe punë të mbarë, doktor!  
 U hap e u mbyll dera e autoambulancës dhe  
 maqina u nis menjëherë. Ngrita kokën. Pas xha-  
 mit të dritares me dritë në katin e tretë, pashë  
 siluetën e gruas së doktorit. Ajo ish zgjuar dhe  
 priste gjersa i shoqi të kthehej pasi të kish qetë-  
 suar më parë dhëmbjet e ndonjerit që vuante dhe  
 përpëlitezët në shtratin e bardhë të spitalit.

Sotirin e gjeta të ulur në ballkon me duar të  
 kryqëzuara në krahëror. Zura vend përballe tij,

- Si shkojnë provat e pjesës së re? — e pyeta  
 për të çelur bisedë.  
 — Njëfarësoj.  
 — Kur e keni premierën?  
 — Sot një javë.

Në rrugë kaluan duke biseduar e duke qe-  
 shur disa vajza. Janë punëtoret e turnit të dytë  
 të fabrikës së cigareve, mendova unë. Sotiri vazh-  
 doi:

- Javën që vjen unë kam dy premiera, atë  
 të teatrit dhe atë të gruas. Ti je beqar dhe ende  
 nuk e ke provuar ç'do të thotë të presësh fëmijën  
 e parë. Kur isha si ti edhe nuk e dija, por tanë po  
 e provoj se qënka gjë e madhe, qënka një shqe-

tësim i ëmbël dhe në rastin tim, një pritje e padurueshme. Them në rastin tim, se ime shoqë nuk po e lind fëmijën në kondita normale.

— Sa ju bënë në maternitet?

— Gati dhjetë ditë. A e beson? Atje e kam mendjen ditë e natë.

Në prova jam bërë i shkujdesur, nuk pregatitem mirë dhe nuk luaj si duhet. Regjizori kërkon punë më intensive, sidomos tani që është java e fundit, «java e sulmit» siç e quajnë në teatër.

— Si dukesh me rolin?

— Roli është i bukur dhe më pëlqen por, ja që unë nuk jam në terezi dhe e kam mendjen e ngritur. Thuaj si të duash, po suksesi im në pëmierën e teatrit varet shumë nga suksesi i «pëmierës» së gruas.

Sotiri e kish dritën nga pas dhe unë s'ja dalloja mirë shprehjen e gjallë të fytyrës së tij prej aktori. Vetëm i dëgjoja zërin e qetë dhe të ngrohtë. Ai fliste shkoqur dhe me nuanca.

Papandehur u dëgjua një e qeshur e madhe dhe zëra njerëzish që flitnin përnjëherësh. E qeshura dhe zhurma e zërave vinte nga lart. Para se unë të kisha hapur gojën për ta pyetur, Sotiri tha:

— Atje lart, në katin e katërt, bëhet dasmë. Xha Ymeri, ai këpucari plak, marton të birin. S'e vure re dritaren e tyre që kish dritë?

Atëhere m'u kujtua se për atë gjë më kish thënë edhe nëna para dy ditësh.

— Djali i xha Ymerit është bërë marinar më duket, apo jo? — pyeta unë.

— Po. Mbaroi shkollën e marinës «Mujo

Uljinaku» tē qytetit dhe tani endet nëpër det. Unë po tē mos isha bërë aktor, s'është çudi që sot tē isha marinar. Më pëlqen shumë tē lundroj. Kur isha fëmijë, èndërronja shumë për detin.

— Me cilën martohet djali i xha Ymerit? — u interesova unë.

— Me një shitëse tē MAPO-s — tha Sotiri — Xha Ymeri e ka kundërshtuar shumë bashkimin e tē birit, se ajo është ortodokse. Po pastaj u zbut dhe tani po i bën një dasmë tē mirë.

Sotiri ndezi një cigare. Nga lart u dëgjuan përsëri tē qeshura. Unë rrija e mendoja martesën e marinarit me shitësen. Kur isha i vogël, kisha menduar se marinaret nuk martohen ngaqë janë pérherë larg. M'u kujtua ç'më kish thënë një herë një marinar plak: ne detarët jemi mysafirë në tokë dhe në familje. Unë i fola përsëri Sotirit:

— Gratë e marinareve e kanë tē rëndë jetën, atyre shpesh u takon tē rrinë vetëm dhe tē shqetësohen në netët me stuhi, kur burri është në det.

Ai u mendua ca, pastaj foli:

— Janë mësuar. Njeriu kur familjarizohet me heroikën e jetës, fle i qetë.

Unë nuk fola më, po me mend i dhashë tē drejtë Sotirit. Qëndruam ca kohë në heshtje. Pas pak Sotiri hodhi cigaren nga ballkoni dhe unë e ndoqa me sy gjersa ra në tokë. Pyeti:

— Sa ka vajtur ora?

— Ka kaluar mesnata.

— A flemë?

— Flemë.

Ungrita dhe dola. Në rrugë dëgjova disa pikë uji që binin nga lart. Ngrita kokën. Në katin

e parë, disa metra nga e majta e apartamentit të Sotirit, ish dritarja e ndezur e Fanisë. Ajo është një vajzë e re, që punon në fabrikën e cigareve. Siç duket ajo kish punuar në turnin e dytë dhe ish kthyer në shtëpi pas orës njëmbëdhjetë. Pashë se ajo kish një kanë në dorë dhe po lagte lulet në parvazin e dritarës.

— Mirëmbërëma, Fani.

— Mirëmbërëma.

— Si i ke lulet?

— Për bukuri. Veç kërkojnë shumë kujdes.

Teksa ne bisedonim, dëgjova pas meje një hap të rëndë, që sa vinte afrohej. Ktheva kokën. Pashë një burrë të gjatë me uniformë polici, që u fut në hyrjen e pallatit prej nga dola unë pak përpara.

— Tani u ktheve nga puna? — e pyeta Faninë, duke ngritur prap kokën lart.

— Kam një gjysmë ore. Hëngra, dhe tani po bëhem gati të bie në shtrat.

— Atëhere s'po të mbaj më se je e lodhur. Natën e mirë.

— Natën e mirë.

Duke vajtur në shtëpi solla ndërmend jetën e Fanisë. Ajo ishte e bija e një muratori, që para shumë vjetësh, kur vajza ende ish në djep, ish rrëzuar nga skelat dhe kish vdekur. E éma ato kohë ish rrobalarëse. E kish rritur me mundime. Ajo banonte në një shtëpi të vogël përdhese në lagjen Stan. Kurse tani që ish rritur, Fania banonte me nënën plakë në pallatin e madh, punonte, mësonte dhe i pëlqenin lulet dhe librat.

Para se të bija në shtrat, nxorra edhe njëherë

kokën në dritaren time: dritarja e aktorit, e punëtores së fabrikës së cigareve, e policit dhe e marinat ishin shuar. Në ballin e gjërë të shtëpisë ish ndezur vetëm dritarja e doktorit.

Teksa dora e butë e gjumit po m'i mbyllte sytë, dëgjova zhurmën e autoambulancës që solli doktorin në shtëpi.

Pas pak edhe dritarja e pestë, dritarja e fundit me dritë do të shuhej në pallatin e madh përballë.